



---

INFO-KAD:  
Email: [info@kad.lu](mailto:info@kad.lu)  
Tel: 23 63 97 18  
(Lou Anzia-Ney)

---

## Bâtir sur le roc ! « Wat mache mir aus dësem Fiels ?

Léif Frënn,

D’Kierchemais uechtert Land lafe Stuerm, an d’Fäischt an den Täschen loosse nach eng laang Zäit munches undeiten ronderëm Kierchegebaier, Kierchefinzen, Traditiounen, Autoritéitsverhalen, Reliounsenseignement, fir nëmmen e puer Versuchsfelder ze nennen, op deenen an eisem Land politesch experimentéiert gëtt. Mir sinn duerfir als Katholiken méi wéi je opgeruff, äis u Christus-Wierder ze erënneren, déi äis am Mathäusevangelium (7,24) aus dem Jesus senger Biergpredigt iwwerliwwert sinn: « Ainsi, tout homme qui entend les paroles que je viens de dire et les met en pratique, peut être comparé à un homme avisé qui a bâti sa maison sur le roc »

D’Fro; „ Wat maache mir aus dësem Fiels“ soll fir all Katholiken eigentlech heeschen „Wat maache mir aus där Wourecht, déi Gott selwer äis vermëttelt, wat maache mir aus dem Glawen un dës Wourecht, dee mir als Chrëschten bei all eise Sakramenter versprach hunn?“ Gleewe mir nach éierlech un eise Glawen u Gott oder ass alles nëmme méi Fassad an zu wat fir engem Zweck. Wat ass Fiels a wat ass Sand, an der Kierch a ronderëm Kierch - an äis selwer a ronderëm äis.

De Popscht Benedikt XVI huet bei senger Untrëttsried de 24. Abrëll 2005 folgendes gesot: „Habt keine Angst vor Christus. Er nimmt nichts und er gibt alles“ an explizéiert et mat engem ganz schéine Saatz: „Wien sech op Christus aléist, dem geet näischt verluer, wat d’Liewe fräi, gutt a grouss mécht“. Kee Geld vun der Welt, keen Éierentitel, kee Staatsdiplom, keng Wonnerpellen kënnen Dech an Dir selwer fräi, gutt a räich maachen, weder viru Gott, nach virun de Mënschen.

Wéi mir mat de Mënschen ëmginn am Sënn vu Gottes Wëllen, wéi mir zesummen diskutéieren, nolauschteren, op Feeler reagéieren a jugéieren, wéi mir eis begéinen, zesumme schaffen, zesumme bieden an zesumme stëll ginn, wéi mir verzeien, wéi mir eis Ärem ausbreeden a wéi mir fir all dat dankbar sinn, wat äis vu Gott u Léift a Barmhärzegkeet geschenkt gëtt a fir all dat fräi sinn, wat u perséinlechem Leiden op äis duerkënnt: un all dës Wäerter gi mir gemoosst, op mir dat wëllen oder net.

A virun allem, wéi mir dee Gottes-Message ëmsetzen, deen héchsten Ausdrock vu sengem Wëllen ass: « Ainsi, tout ce que vous voulez que les hommes fassent pour vous, faites-le vous-même pour eux, c'est la Loi et les Prophètes (Mt 7,12)».

Den Herrgott verlaangt vun äis net, deem Guddes ze dinn, deen äis Guddes gedoe huet, ma selwer d'Initiative vun dem Gudden ze ergräifen, ëmmer, an all Situatioun, ouni Bedéngung. An der Lëtzebuurger Kierch gëllt et, vill Initiativen ze ergräifen, fir dem Vollek Guddes ze dinn an der Jugend d'Léift vum Herrgott méi no ze bréngen.

Ass et net grad de Jesus selwer, um Kräiz a sengem déifste Leiden, mat sengen ugeneelten ausgebreeten Ärem, deen ee Message vun Hoffnung ausstraalt fir äis all, fir déi Kleng, fir déi Aarm, fir déi verluere Schof, fir déi Ongleeweg, fir déi, déi an der Schold sinn, fir déi, déi op der Sich sinn, fir déi, déi um Glawen zweiwelen, fir Dech a fir mech.

Ausgebreeten Ärem, wie wëllt net am Gudden vun hinnen opgefaange ginn! Also, komm mir maachen et. Ausgebreeten Ärem an eiser neier Par fir eise neie Geeschtlechen Ricardo Monteiro, an eise Familljen fir eng Equipe am Déngscht vun der neier Catéchèse, ausgebreeten Ärem fir bénévol Laien a Par- a Kiercheréit a wäit doriwwer eraus, Mënschen déi ronderëm d'Kierch am Duerf reegelméisseg hir Déngschter leeschten: ouni Pai, ouni Titel an ouni Pensioun.

Virun allem: ausgebreeten Ärem vun deenen, déi a Gottes Numm virun äis trieden, sie si méi staark a méi wierkungsvoll wéi institutionell Dogmen, Reegelen a Gesetzer, hannert deenen sech gäre verstoppt gëtt. Sie si Quell an der Wüst vun enger Gesellschaft, déi mat hirer intoleranter Iwwerflächlechkeet all Fiels zu Sand verreibt. „Et tout homme qui entend les paroles que je viens de dire et ne les met pas en pratique, peut être comparé à un homme insensé qui a bâti sa maison sur le sable. La pluie est tombée, les torrents sont venus, les vents ont soufflé ; ils sont venus battre cette maison, elle s'est écroulée, et grande fut sa ruine : (Mat 7,26-27). LN.

## **WAS IST GLAUBE ([www.glaubenskompakt.de](http://www.glaubenskompakt.de))**

„Herr, mach Ordnung in meinem Leben und lass mich wissen, was ich nach deinem Willen tun soll“. Kardinal Newmann.

Den Glauben verlieren? Es ist ein langer fortschreitender Prozess, an dessen Ende man sich selbst und später anderen oft sagt, dass man den Glauben verloren hat. Man glaubt nicht mehr an einen persönlichen Gott, der zu den Menschen spricht. Man glaubt vielmehr, dass es ihn gar nicht gibt. Man wendet sich von der Kirche ab und von dem, was sie uns lehrt. Man glaubt nicht mehr an die Kernsätze des Glaubensbekenntnisses: das ewige Leben, die Auferstehung... Alles erscheint falsch oder kindisch. Oft ist es die Frage nach dem Bösen, dem Leid: „Wenn es Gott wirklich gäbe, dann liesse er das alles nicht zu“. Langsam rutscht man in die Indifferenz und sagt: „Religion ist nicht mein Ding, das interessiert mich nicht mehr....“

Zeugnisse: „Gott wird undurchschaubar“ (Greta S., Dortmund)

„ Ja, ich kenne das. Plötzlich wird Gott grau, undurchschaubar. Schlimmer noch, er scheint sich aus unserem Leben davonzustehlen. Ich hatte grosse Angst vor dem Gefühl, ihn ganz zu verlieren. Plötzlich war ich verzweifelt, wenn ich mich an meine Kindheit erinnerte, als ich noch ganz von Gott erfüllt war- und jetzt hatte das alles keinen Sinn mehr? Aber ich habe nie aufgehört, zu Maria zu beten, abends vor dem Schlafengehen, Nie!.....

Was ist Glaube:

Glaube ist die vertrauensvolle Antwort auf eine Anrufung, die aus einer Art Durst entsteht, aus der Hinwendung zu einem Gegenüber, aus einem Über-Sich-Hinauswachsen. Da ist jemand, der einen zu sich hinzieht, der vorschlägt, mit ihm zu gehen. Glaube bedeutet, in diesem „Jemand“ den Gott der Evangelien zu erkennen. Glaube bedeutet, Gott mit dem eigenen Leben zu antworten, ihm zu vertrauen.

***„Gott spricht, auch wenn er schweigt“***

Benedikt XVI.

## **BIBEL LIESEN**

eng Bibliothék an engem Buch – wéi ginn ech domat ëm !

D’Bibel ass ee Monumentalwierk wat iwwer vill Joerhonnerten ewech bis haut Mënsche fasziniert huet an nach weider fasziniere wäert, esou wéi een Auszuch aus dem Psalm 63 et beschreift: „Gott, du mein Gott, dich suche ich, Meine Seele dürstet nach dir“. Mir brauchen an all chrëschtlichem Haus een direkten Zougang zur Bibel, „dem Buch vun de Bicher“, fir déi Grouss a fir déi Kleng, wëll villes vun dem, wat haut a maar Glawenserzéiung vun eise Kanner ass, am Kader vun der Famill soll geschéien, ëmmer altersgerecht, awer ni verfälscht. Awer wéi ginn ech mat der Bibel ëm, wéi fannen ech mech doran erëm, wien huet si geschriwwen, ass alles wuertwiertlech geschitt, wat do dra steet, wéi liewen ech mat der Bibel, wéi erzielen ech d’Bibel, wéi, wéi, wéi ... wie vun äis versteet schon alles! An eiser Par Ste Claire gi reegelméisseg Owender „Bibel deelen“, offrériert, wou jidderee ka matmaachen. Si sinn um Parblat ugekënnegt. Et gëtt vill Méiglechkeeten, d’Bibel als interessante Weebegleeder nei kennen ze léieren. Awer net nëmmen d’Bibeltexter, ma virun allem och d’Aféierungstexter an d’Randnotizen ginn äis ee groussen Abléck an dat geschichtlech a reliéist Ëmfeld, an deem dës Schrëften entstane sinn. An der Mediathék vun der Erwuessenebildung kritt Dir mannigfach Material, wat Iech hëllef kann, fir Iech perséinlech a fir Är Kanner dat Richtegt ze fannen. (5, av. Marie-Thérèse.Luxbg. Tel: 44743-340).

## **KAD-Aktivitéitsbericht**

**Barmhärzegkeetsfest 2017:** Mir haten ee flotte Succès bei eise Sammelaktiounen fir de Kongo, Missio an Ala. Brëller, Medikamenter, Timberen, Plastikstëpp, Bicher: et war genuch zesummekomm, an de finanzielle Bénéfice konnt, opgerënnt a Form vun engem Chèque vun 1.000 €, zesumme mat engem Affer vun 505 €, eisem Här Paschtouer den 10. September bei Geleeënheet vun sengem 45ste Priesterjubiläum iwwerrecht ginn. Merci allen Donateurs.

**Bicherstand an der Useldenger Kierch:** Am Klackenhäischen vun der Useldenger Kierch hu mir ee kleng Bicherstand ageriicht, wou Dir a\*) gratis kënn Bicher mat ewech huelen oder b) Äer eege geliese Bicher kënn gratis dohistellen. (A\*: een € an eis Käerzekeess bei der Muttergottes géif eis selbstverständlech freeën). Merci fir een interessanten Austausch. Macht mat.

**Poterstonn zu Réiden am HPPA:** Leider kann dës Aktioun am Moment net weidergefouert ginn, wëll sech keng Leit interesséieren, fir mat op Besuch ze goen. Schued.

**Notre Dame de Fatima- Pélérinage op Bissen :** 35 Leit haten sech vun Useldeng aus zu Fouss op Bissen gemach, fir do d'Fatima-Statue aus Portugal ze begréissen. Et war een ergräifenden Owend zesumme mat der portugisescher Communautéit. Et huet ee richtig gespuert, dass mir all zesummegehéieren. Merci deene Bissener fir hire léiwen Empfank a Merci eise portugisesche Matbierger fir hir grouss Begeeschterung. Merci och der anonymmer DONATRICE vun der FATIMA-Statue an eiser Kierch zu Useldeng a besonnesch och der Madame Manaia vun Useldeng, déi fir d'Useldenger Kierch ee kompletten Altordicher-Set op der Hand geheekelt huet. Eisen déiwe Respekt.

**Oppe Kierch – zu Useldeng:** Eise meditative Päischtconcert am Kader vum Projet „Oppe Kierch“ war leider net staark besicht (12 Leit), huet äis awer Geleeënheet ginn, de Visiteuren de räichen Inventar vun eiser Kierch e bëssen ze erklären. Mir si weider gewëllt, an dësem interregionale Projet aktiv matzeschaffen. Mir haten heifir eng Réunion mat de Responsabelen aus eiser Gemeng, resp. LEADERPROJET, zesumme mat der Madame Laure Simon vun der Erwuessenebildung. Et gouf eng Piste opgezeechent, wéi bestëmmte Kierchen aus eiser Regioun, och an eiser Gemeng, kënn „fit“ gemaach ginn, fir am Kader vun engem interregionalen Touriste-Programm, dësen historesche Patrimoine besser mat anzebannen. Den Här Gérard Anzia wäert dëse Projet iwver de Leader-Programm begleeden.

**Kräizkapell am Useldenger Klätzewee = een historescht Geschenk !** Als Ierwen vum Här Léon Raths a Madame Yvonne Weis hunn op Här läichendag 2017, Sonndes de 15. Juni, d'Madame Annette Schlessen-Raths an den Här Jean-Paul Raths mat hirer Ënnerschrëft eng Schenkung dokumentéiert vun der Kräizkapell am Useldenger Klätzewee un d'Kierch am Duerf-Gemeng Useldeng asbl. Dëse wäertvolle Kaddo un eis Duerf-Communautéit soll verstane ginn als Raum vu Besënnung, Dankbarkeet a Fridde schléissen. Den Ursprong vun dëser Kapell geet weit an d' Mëttelalter zeréck, a war zënter ville Generatiounen am Privatbesëtz vun der Famill Weis-Posing-Poncin asw. Eng perfekt Dokumentatioun iwver dës Kapell, déi äis a ganz guddem Zoustand geschenkt gouf, steet zur Verfügung. Et ass elo eis Suerg, dës Plaz als Zeeche vu Verbonnenheet fir Zukunft ze markéieren. Am Laf vum Joer 2018 wäerte mir äis intensiv dorëms këmmen. Eise Merci ass grouss. Weider gouf äis eng stenge Christusfigur (45 cm -gekräizegt) geschenkt. Wann et iergendwou an der Natur vun eiser Gemeng eng Plaz géif ginn, wou mir si kënn placéieren, fir mir iwver Är Nofro éierlech frou. [info@kad.lu](mailto:info@kad.lu) oder Tel: 23 63 97 18.

**Eise gemeinsame Patrimoine:** Eng Kiercheklack vu 1482- net all Duerf am Land kann sech domat beéieren. Awer zu Useldeng am Gaart vum Paschtoueschhaus, do kënn mir si all Dag bewonneren. 535 Joer al, liicht gro, awer nach ëmmer do. Méi heiriwwer eng aner Kéier. „Soll das Werk den Meister loben, doch der Segen kommt von oben“. Das Lied von der Glocke Fr.Schiller.

## FAMILIJEFEST

am Centre Culturel zu Useldeng, Sonndes den 22. Oktober 2017

Op de Flyeren, déi mir an all Haus verdeelen, kritt Dir den Detail. Umeldunge fir d'Mëttegiessen beim Marthe Boudler a Marie-Thérèse Harpes. Ofginn vu Kaddoen fir d'Tombola beim Anni Linster. Merci fir all Geste.

## NIGHT OF THE SAINTS

Op Allerséilen (02.11.2017) um 19:30 Auer an der Useldenger Kierch

Een Owend, dee kee soll verpassen! Fir d'éischte Kéier eiser Duerfgeschicht hu mir d'Chance, ee Mënsch ze begéinen, deen zu Liefzäiten vun der séiliger Chiara Luce Gabano mat hir perséinlech a Kontakt stunn.

Eis "**Night of the Saints**" huet als Zil fir d'Liewen an d'Wierken vun engem Hellegen vun deemools an engem Hellegen aus eiser Zäit kennen ze léieren. Den Owend riicht sech souwuel u gleeweg Leit wéi och un Agnostiker oder Atheisten. Den Ufank maache mir dëst Joer am Zeechen vum Numm vun eiser neier Par mat der helleger Clara vun Assisi a vergläichen hiert d'Liewen mam Liewen vum Chiara Badano Luce.

**D'helleg Chiara dei Scefì** (Clara vun Assisi) (1194-1253) war begeeschtert vum Hl Franz vun Assisi sengem Aarmutsideal. Mat 18 Joer ass si aus dem adelegen Elterenhaus fortgaangen an huet den Orden vun den "Aarme Schwësteren", de Klarissinnen-Orden gegrënnt. Ongeféier em 1224 ass d'Clara schwéier krank ginn. Si huet anscheinend Kranker geheelt, déi d'Doktere längst opginn hunn. 2 Joer no hirem Doud ass sie vum Pöpst Alexander IV helleg gesprach ginn.

**D'Chiara Luce Badano** (1971-1990) koum an engem klengen Duerf a Nord-Italien op d'Welt. Hire Papp war Camions-Chauffeur an hir Mamm huet an engem Betrib geschafft déi Amaretti'en produzéiert hunn. Si huet vill Sport gemaach a Piano gespillt. 1989 gouf dunn bei hir Knackekriips diagnostizéiert. Hirem Émgang mat de Frënn, der Famill an och mat der Krankheet war geprägt vun enger déiwer Bezéiung zum Jesus. Hiert beispillhaft Liewen huet allgemengt Erstaunen ausgeléist; d'Freed an hiren Aen huet d'Leit ugezunn. 2010 ass si vum Pöpst séileg gesprach ginn.

Mir hunn di grouss Chance e Frënd vum Chiara Luce an eiser Mëtt ze begréissen. De Franz Coriasco schafft als Journalist bei der italienescher RAI. Mir hunn d'Geleeënheet him Froen ze stellen iwwert d'Liewen vum Chiara. Ganz spannend ass och wéi de Franz als Agnostiker mat der Thematik ëmgeet. ([www.chiarabadano.org](http://www.chiarabadano.org))

## Déi nei Catéchèse

Kommt, mir hannerfroen äis viru Gott?

Seigneur, nous sommes souvent étonnés par ton appel, n'y a-t-il pas des hommes plus humains et meilleurs apôtres que nous ?

Tu connais nos limites et nos faiblesses... donne-nous de croire fermement en ta présence en nous et dans tous les hommes, enfants, jeunes et adultes.

Seigneur, fais que nous soyons témoins de l'Espérance, sans ignorer le poids de la vie, que nous soyons, à notre place, bâtisseurs de communautés d'Eglise

Où les enfants viennent découvrir et partager leur foi.

Que ton Esprit d'amour et de force soit l'essentiel dans notre relation aux autres. (Extrait de Prière dans Catéchèse en Rouergue 1993)